

6-§. Консолидациялашган молиявий ҳисоботга
киритиш учун шўъба (тобе) хўжалик жамиятлари,
мустақил балансга ажратилган таркибий
бўлинмаларнинг молиявий ҳисоботини қайта
ҳисоблаш

31. Ўзбекистон Республикасидан ташқарида жойлашган шўъба (тобе) хўжалик жамиятлари, мустақил балансга ажратилган таркибий бўлинмаларнинг молиявий ҳисоботларини бош жамият томонидан тузиладиган консолидациялашган молиявий ҳисоботга киритиш учун қайта ҳисоблашда бош жамият қуйидаги тартиб-таомилларни бажариши керак:

а) Ўзбекистон Республикасидан ташқарида жойлашган, шўъба (тобе) хўжалик жамиятлари, мустақил балансга ажратилган таркибий бўлинмаларнинг активлари ва мажбуриятлари ҳисобот даврининг охириги санасидаги Марказий банкнинг курси бўйича қайта ҳисобланиши лозим;

б) Ўзбекистон Республикасидан ташқарида жойлашган шўъба (тобе) хўжалик жамиятлари, мустақил балансга ажратилган таркибий бўлинмаларнинг хусусий капитали моддалари, бундан жорий йилнинг тақсимланмаган фойдаси (қопланмаган зарари) мустасно, ҳисобот даврининг охириги санасидаги Марказий банкнинг курси бўйича қайта ҳисобланиши керак;

в) Ўзбекистон Республикасидан ташқарида жойлашган шўъба (тобе) хўжалик жамиятлари, мустақил балансга ажратилган таркибий

бўлинмаларнинг даромадлари ва харажатлари моддалари, шунингдек тақсимланмаган фойдаси (қопланмаган зарари) ҳисобот давридаги Марказий банкнинг курслари ва улар амал қилиш кунлари ҳосилалари суммасини ҳисобот давридаги кунлар миқдorigа бўлиш натижасида ҳисоблаб чиқарилган курсларнинг ўртача миқдоридан фойдаланган ҳолда қайта ҳисобланиши лозим.

32. Ўзбекистон Республикасидан ташқарида фаолиятнинг таснифи ўзгарган ҳолларда, ўзгарган таснифга нисбатан қўлланадиган қайта ҳисоблаш тартиб-таомиллари ушбу ўзгариш санасидан бошлаб фойдаланилиши лозим.